

Abrabɔ Ne Asɛnka Adesua Nhoma Nhwehwɛmu

JULY 3-9

BIBLE MU AKORADE | ESRA 4-6

“Mommfa Mo Asɛm Nnko . . . Adwuma No So”

w22.03 18 ¶13

Wuhu Nea Sakaria Hui No?

¹³ Ná wɔabara Yudafo no sɛ mma wɔnnan nnsi asɔrefie no. Nanso Ɔsofo Panyin Yesua (Yosua) ne Amrado Serubabel a wɔpaw wɔn sɛ wonni adwuma no anim no “fii ase sii Onyankopɔn fi” no. (Esra 5:1, 2) Ɛbɛyɛ sɛ Yudafo no bi nyaa adwene sɛ, ɛnyɛ ne kwan so sɛ wobesi asɔrefie no. Ná wɔrentumi nsi dan no wɔ sum ase. Ná wonim sɛ atamfo no bɛyɛ biara sɛ wɔbɛma wɔagyae adwuma no. Ɛno nti, Yosua ne Serubabel, mmarima mmieniu a na wodi adwuma no anim no, na ɛsɛ sɛ wonya awɛrɛhyem sɛ Yehowa taa wɔn akyi. Wonyaa awɛrɛhyem a na wohia no nso. Ɔkwan bɛn so?

w86 2/1 29, adaka ¶2-3

Ná Yehowa “Ka Yuda Mpanyimfo No Ho”

Yudafo a wɔbɛsoaa wɔn kɔɔ Babilon no, bere a wɔsan bae no, wɔfii ase sii asɔrefie no. Nanso eduu baabi no, wɔte dae. Wɔgyaw asɔrefie no ho adwuma too ho mfe pɔpɔpɔre 16. Ɛbaa saa no, odiyifo Hagai ne odiyifo Sakaria boaa wɔn ma wɔsan kekaa wɔn ho bio, na wɔtoaa so sii Yehowa asɔrefie no. Nanso ankyɛ na Persia man no mpanyimfo bɛkaa sɛ wɔrempene mma wɔntoa adwuma no so. Wɔbisaa Yudafo no sɛ: “Hena na ɔmaa mo kwan sɛ munsɔ ofi yi?” —Esra 5:1-3.

Ná ɛsɛ sɛ Yuda mpanyimfo no dwen asɛm no ho yiye paa ansa na wɔayi ano. Sɛ Yuda mpanyimfo no maa Persia mpanyimfo no hunahunaa wɔn a, anka asɔrefie no

ho adwuma no bɛka. Sɛ wɔne wɔn de fee so nso a, anka ɛho ara Persia mpanyimfo no betumi de wɔn nsa ato adwuma no so. Enti Yuda mpanyimfo no faa nyansakwan so maa wɔn mmuae kamakama. (Akyinnye biara nni ho sɛ Amrado Serubabel ne Ɔsofo Panyin Yosua na edii Yuda mpanyimfo no anim.) Wɔkaee Persia mpanyimfo no sɛ, na Kores ahyɛ mmara ato ho dedaadaw sɛ, Yudafo no betumi asan asi asɔrefie no. Ná Persia mpanyimfo no nim sɛ, Persia mmara de, yɛnsesa no. Enti wɔgyaa asɛm no mu bɔkɔɔ, efise na wɔmpɛ wɔn ho asɛm. Ɛno maa Yudafo no toaa adwuma no so kosii sɛ akyiri yi, Ɔhene Dario ankasa hyɛ mmara sɛ wɔnko so nyɛ adwuma no.—Esra 5:11-17; 6: 6-12.

w22.03 15 ¶7

Wuhu Nea Sakaria Hui No?

⁷ Nsakrae bi a ɛbae maa Yudafo a na wɔresi asɔrefie no ho dwoo wɔn kakra. Ɛyɛ nsakrae bɛn? Ɔhene foforo a ne din de Dario I bedii Persia so. N’ahenni afe a ɛto so mmieniu a ɛyɛ afe 520 A.Y.B. (Ansa Na Yesu Reba) no, obehui sɛ mmara mma kwan sɛ wɔbara asɔrefie no si. Enti Dario maa wɔn kwan sɛ wɔnkɔtoaa so nsi nwie. (Esra 6:1-3) Asɛm a ɔhene no kae no yɛɛ obiara nwonwa, nanso anso ho ara. Ɔhene no san hyɛ mmara sɛ, mma aman a atwa Yuda ho ahyia no mfa wɔn asɛm nko adwuma a wɔreyɛ no so. Afei nso, ɔkaa sɛ wɔmma wɔn sika ne biribiara a wobehia de ayɛ adwuma no! (Esra 6:7-12) Ɛno nti, Yudafo no de mfe nnan ne kakra sii asɔrefie no wiei wɔ afe 515 A.Y.B. (Ansa Na Yesu Reba).—Esra 6:15.

w22.03 19 ¶16

Wuhu Nea Sakaria Hui No?

¹⁶ “Akoa nokwafo ne ɔbadwemma” no nso, Yehowa nam wɔn so de akwankyerɛ ma yɛn.

(Mat. 24:45) Eto mmere bi a, ebia akoka no-
kwafo no bema yen akwankyerɛ bi a yente
ase papa. Yɛbɛyɛ nhweso a, ebia wobema
yen akwankyerɛ pɔtee a ɛbeboa yen ama
yeasiesie yen ho na sɛ atoyerɛnkyɛm bi
si a, yɛatumi anya yen ti adidi mu. Ebia
ɛbɛyɛ yen sɛ baabi a yete no, biribi a ɛte saa
rentumi nsi. Anaa ebia yɛbɛte nka sɛ, sɛ
nsanyare kodiawu tew si baabi a, ahweyiye
a akoka nokwafo no yɛ no, ɛyɛ a na ɛboro so.
Akwankyerɛ a wɔde ma yen no, sɛ ɛyɛ yen
sɛ ntease nnim a, den na ɛsɛ sɛ yɛyɛ? Senea
Israelfo no tiee afotu a Yosua ne Serubabel
de maa won no, yebetumi adwinnwen ho.
Afei nso, Bible mu nsem afoforo a yeaken-
kan no, yebetumi adwinnwen ho. Eto da a,
akwankyerɛ a na Onyankopɔn nkurɔfo nya
no, nnipa ani so de, na ɛte sɛ nea ntea-
se nnim, nanso eno na egyee won nkwa.
—Atem. 7:7; 8:10.

Tweetwee Bible Mu

w93 6/15 32 ¶3-5

So Wubetumi De Wo ho Ato Bible no So?

Wɔyɛ sika yi wɔ Tarso, kurow a ɛwɔ ɔman
a mprenpren wɔfrɛ no Turkey no kesee
fam apuei. Wotwaa sika yi wɔ Persia amra-
do Mazaeus nniso ase wɔ afeha a ɛto so
anan A.Y.B. mu. Eka ne ho asem sɛ Asubɔn-
ten Eufate “Asuogya” ɔmansin no amrado.

Na den nti na asentiaa yi yɛ anigye? Efise
wubehu asenkoro yi ara wɔ wo Bible mu.
Esra 5:6–6:13 ka nkitahodi a ɛkɔ so wɔ
Persia hene Dario ne amrado bi a ne din de
Tattenai ntam ho asem. Na Yudafo no asɔ-
refi a na wɔresan asi wɔ Yerusalem no ho
asem na wɔreka. Na Esra yɛ ɔkyerɛwfo a ne
ho akokwaw wɔ Onyankopɔn Mmara kyerɛw
mu, na wubetumi ahwe kwan sɛ ɔɔkyerɛw
nsem no pɛpɛpɛ. Wubehu wɔ Esra 5:6 and
6:13 sɛ ɔfrɛ Tattenai sɛ “asuogya amrado.”

Esra kyerɛwee eyi bɛyɛ afe 460 A.Y.B., mfe
100 ansa na wɔretwa sika yi. Oo, ebia nnipa
binom bɛte nka sɛ tete amrado bi dibe a ho
asem a wɔka no nko akyiri. Nanso sɛ wutumi
de wo ho to Bible akyerɛwfo so wɔ nkyerɛ-
kyerɛmu ketewaa a ɛte saa mpo mu a, so
eno remma wunnya ahotoso kɛse wɔ biribi
foforo biara a wɔkyerɛwee mu?

JULY 10-16

BIBLE MU AKORADE | ESRA 7-8

“Esra De N’abrabo Hyɛ Yehowa Anuonyam”

w00 10/1 14 ¶8

Adesua—Mfaso Wɔ So Na ɛyɛ Anigye

⁸Yiw, ɛsɛ sɛ Yehowa Asem ho anigye a ye-
benya no fi yen koma, nkate fibe a, no mu.
ɛsɛ sɛ yema yen ani gye nkyekyem bi a yɛa-
kenkan mprenpren no ho, na yetɔ yen bo
ase susu ho. ɛsɛ sɛ yedwennwen honhom
fam nneema a emu dɔ ho, de yen adwene si
so, na yesusu ho. Eyi hwehwe sɛ yesusu
ho wɔ kommyɛ mu na yɛɔ mpae. Te sɛ Esra
no, ɛsɛ sɛ yesiesie yen koma ma Onyanko-
pɔn Asem akenkan ne ne sua. Wɔkyerɛw ne
ho asem sɛ: “Esra asiesie ne koma sɛ ɔɔ-
hwehwe [Yehowa, NW] mmara na wadi so,
na wakyerɛkyerɛ ahyɛde ne atemmude wɔ
Israel.” (Esra 7:10) Hyɛ nneema abies a enti
Esra siesie ne koma no nsow: sɛ ɔde besua
ade, sɛ ɔde nea osua no bedi dwuma, na
ɔde akyerɛkyerɛ. ɛsɛ sɛ yedi ne nhweso no
akyi.

si 75 ¶5

Bible Mu Nhoma a Eto So 13—1 Beresosɛm

⁵Esra na ɔkyerɛw Beresosɛm Nhoma a Edi
Kan no. Abakɔsɛm a ɛwom no yɛ nokware
turodoo, na wutumi hu sɛ, Esra paa na
na ɔfata sɛ ɔkyerɛw saa nhoma no. Nea

enti a ɛte saa ne sɛ, “ná Esra asiesie ne koma sɛ ɔbehwehwe Yehowa Mmara mu na wadi so, na wakyerekyerɛ emu ahyɛde ne atemmusem wɔ Israel.” (Esra 7:10) Yehowa nso de ne honhom kronkron boaa no. Persia hene a na odi wiase nyinaa so saa bere no mpo hui sɛ, Onyankopɔn ama Esra nyansa. Enti ɔmaa Esra tumi a na obetumi de ayɛ nneema bebreɛ wɔ Yuda mantam no mu. (Esra 7:12-26) Esiane sɛ ɔhene no maa Esra tumi, na Yehowa de ne honhom kronkron taa n’akyi nti, na ɛrenye den mma no sɛ ne nsa beka kyerɛwtoho ahorow a edi mu paa a na ɛwɔ ho saa bere no, na wahwe mu de akyerɛw Beresosem Nhoma a Edi Kan no.

it-1 1158 ¶4

Ahobrease

Eboa Ma Yen Nsa Ka Akwankyerɛ Pa. Obi a ɔbre ne ho ase hyɛ Onyankopɔn ase no, obetumi anya ahotoso sɛ Onyankopɔn bekyerɛ no kwan. Esra sei, na adwumasono bi da ne so. Ɛne sɛ, na ɛsɛ sɛ odi mmarima beboro 1,500 anim fi Babilon de wɔn kɔ Yerusalem. Ɛnye wɔn nko ara; ná asɔfo, Netinimfo, ne mmea ne mmofra nso ka ho bi. Yereka yi nso, na wɔkura sika kɔkɔ ne dwetɛ pii a wɔde rekosiesie Yerusalem asɔrefie no. Enti na wɔhia ahobammɔ wɔ kwan no so, nanso na Esra mpɛ sɛ ɔkɔsrɛ Persia hene no sɛ, ɔmma n’asraafo no bi nkogya wɔn, na ankɔyɛ sɛ ɔde ne ho reto nnipa so. Afei nso, bere bi a atwam no, Esra ka kyerɛɛ ɔhene no sɛ: “Wɔn a wɔhwehwe yen Nyankopɔn no, ne nsa wɔ wɔn nyinaa so.” Enti ɔkaa sɛ obiara nye akɔnkyen, na wɔmmɛ wɔn ho ase wɔ Onyankopɔn anim. Afei wɔsrɛɛ Onyankopɔn sɛ ɔmma wɔn ho ban. Ɔno nso ansisi n’aso; otiee wɔn abisade no, na ogyee wɔn fii atamfo a wɔkɔtɛw kwan mu no nsam. Enti ɛwom sɛ na akwantu no ye hu de, nanso wɔtumi beduu dwoodwo

a asemmɔne biara ansi. (Esr 8:1-14, 21-32) Odiyifo Daniel nso, bere a na ɔwɔ Babilon no, ɔbreɛ ne ho ase wɔ Onyankopɔn anim, na ɔsrɛɛ no sɛ, ɔmma no akwankyerɛ, na ɔmma no mma ɔnte n’asɛm ase. Ɛno nti, Onyankopɔn tew n’anim kyerɛɛ no. Ɔsoma ne ɔɔfo ma ɔbaa ne nkyen, na ɔɔfo no de nneɛma pii kyerɛɛ no wɔ anisoadehu mu. —Da 10:12.

Tweetwee Bible Mu

w06 1/15 19 ¶10

Esra Nhoma no Mu Nsɛntitiriw

7:28–8:20—Den nti na na Yudafo pii a wɔwɔ Babilon no mpɛ sɛ wɔne Esra beko Yerusalem? Ɛwom sɛ na Yudafo a wodii kan no akɔtra wɔn kurom beboro mfe 60 de, nanso na nnipa a wɔte Yerusalem no sua koraa. Ná Yerusalem a wɔbesan akɔ no kyerɛ sɛ wɔrekofi bra ase wɔ tebea a ɛye den na ɛye hu mu. Sɛ Yudafo a na nneɛma reko yiye ma wɔn wɔ Babilon no hwe a, na tebea a ɛwɔ Yerusalem saa bere no ntumi mmoa wɔn ɔkwan biara so. Ɛnsɛ sɛ yebu yen ani gu senea na akwantu no ye hu fa no so. Ná ɛsɛ sɛ wɔn a wɔbesan aba no nya Yehowa mu gyidi a ɛye den, wɔye nsi wɔ nokware som mu na wonya akokoduru de kɔ Yerusalem. Na mpo Yehowa nsa a na ɛwɔ Esra so no na ɛhyɛɛ no den. Bere a Esra hyɛɛ wɔn nkuran no, mmusua 1,500—a ebia wɔn dodow si 6,000—ne no kɔɛ. Ɛno akyi no, akwan foforo a Esra faa so no maa Lewifo 38 ne Netinimfo 220 nso bekaa ne ho.

JULY 17-23

BIBLE MU AKORADE | ESRA 9-10

“Asɔɔden Ne Amanehunu Na Ɛnam”

w06 1/15 20 ¶1

Esra Nhoma no Mu Nsɛntitiriw

9:1, 2—Aniberesɛm bɛn na na ɛwɔ asase

no so nnipa a na wone won di ayeware no mu? Ná oman a wōasan agye wōn yi na wō-bekora nokware som so akosì sē Mesia no bēba. Ná ayeware a wone nnipa afoforo bedi no betumi de chaw paa aba nokware som mu. Esiane sē na ebinom ne nnipa a wō-som abosom adi ayeware nti, na ebetumi aba sē ede nkakrankakra beka oman mū no nyinaa ma wōakōsom abosom. Ná ebetumi ama nokware som ayera koraa afi asase no so. Ende na henanom nkyen na Mesia no bēba? Enye nwonwa sē Esra ho dwiriw no wō-ne na asi no ho!

w09 10/1 10 ¶6

Dēn Na Yehowa Hwehwe Fi Yēn Hō?

Sē yefi yēn koma mu yē osetie ma Onyankopōn a, ebema yeanya nhyira pii. Mose kyerewe sē: ‘Di Yehowa ahyede a. . . mede rema wo nne yi so, na asi wo yiye.’ (Nkyekyem 13) Ahyede biara a efi Yehowa hō, kyerē sē biribiara a Yehowa pē sē yeyē no, yēn yiyedi ntia. Wei nyē yēn nwonwa efise Bible ka sē, “Onyankopōn ne dō.” (1 Yohane 4:8) Esiane sē dōdō yēn nti, wama yēn ahyede ahorow a ebema asi yēn yiye daa. (Yesaia 48:17) Sē yeyē nea Yehowa hwehwe fi yēn hō a, ebēbō yēn ho ban afi chaw ahorow ho nne. Afei sē n’Ahenni no ba a, nhyira ahorow a ede bēba no, yebenya bi.

Tweetwee Bible Mu

w06 1/15 20 ¶2

Esra Nhoma no Mu Nsēntitiriw

10:3, 44—Dēn nti na wōpam mmea no ne wōn mma nyinaa? Sē wōampam mmofra no a, anka ērenyē den koraa sē wōn yerenom a wōapam wōn no bēsan aba wōn mma no nkyen. Bio nso, mmea no na na wōtaa hwe mmofra no.

JULY 24-30

BIBLE MU AKORADE | NEHEMIA 1-2

“Ntēm Ara Na Mēbō . . . Mpae”

w08 2/15 3 ¶5

Monkō So Nkae Yehowa Bere Nyinaa

⁵ Etō mmere bi a, ēho behia sē yēbō mpae ntēm hwehwe Onyankopōn hō mmoa. Bere bi, Persia hene Artasasta hui sē ne nsahyefo Nehemia anim ayē mmōbōmmōbō. Chene no bisaa Nehemia sē: “Eden na wōrehwehwe yi?” Ntēm ara ‘na Nehemia bōbō osoro Nyankopōn mpae.’ Ná ēsē sē Nehemia ma mpae a ēbeyē sē bōbō wō ne tirim no yē tiawa. Nanso, Onyankopōn tiei, efise chene no boaa Nehemia ma osan kōtōo Yerusalem fasu no. (*Kenkan Nehemia 2: 1-8.*) Yiw, sē yēbō mpae tiawa wō yēn tirim mpo a, Yehowa betumi atie.

be 177 ¶4

Okasa a Wōnhwe Krataa So Nkenkan

Sē wōfrē wo mpofirim sē kyerekyerē wo gyidi mu a, dēn na ēbeboa wo ma wo nsēm atu mpon? Suasua Nehemia a bōbō mpae ansa na crebua asem bi a Chene Artasasta bisaa no no. (Neh. 2:4) Afei, hyehyē nsēm a wobeka wō wo tirim ntēm ara. Wubetumi ahyehyē akwan titiriw no saa kwan yi so: (1) Paw asem biako anaa abien a wode bekyerkyerē nsēm mu (wubetumi de nsēm a ewō *Reasoning From the Scriptures* no mu adi dwuma). (2) Si kyerew nsēm a wode bekyerkyerē saa nsēm no mu ho gyinae. (3) Susuw anifere kwan a wobefa so afi wo nkyerekyeremu no ase ho sēnea ēbeyē a nea obisaa asem no benya ɔpē sē obetie. Na afei fi ase kasa.

Tweetwee Bible Mu

w86 2/15 25

Nokware Som Faa Ne Ntama Pa Furae

Daabi. Efise Yerusalem kurow a na atetew

apansam no, na Nehemia de mmere kakra abɔ ho mpae “awia ne anadwo.” (1:4, 6) Bere a onyaa hokwan sɛ ɔbɛka akyerɛ ɔhe-ne Artasasta sɛ, ne koma so ade ne sɛ ɔbɛkɔ Yerusalem asan akɔto afasu no, ɔsan bɔɔ mpae. Enti ɛnye sɛ ɔtenatenaa asem no ho besii saa bere no ansa na ɔrebo ho mpae, na mmom sɛnea daa na ɔye no, saa bere yi nso, ɔbɔɔ ho mpae. Yehowa tiee Nehemia mpae no, na ɔmaa ɔhene no hyɛ sɛ, wɔnsan nto Yerusalem afasu no.

Nea Yesua Fi Mu: Nehemia hwehwɛ akwankyɛ fii Yehowa ho. Yɛn nso, sɛ yɛrebesi gyinae kɛsɛ bi a, ɛsɛ sɛ ‘yɛbo mpae daa,’ na yɛde Yehowa akwankyɛ yɛ adwuma.—Romafo 12:12.

JULY 31–AUGUST 6

BIBLE MU AKORADE | NEHEMIA 3-4

“Adwuma a Yɛde Yɛn Ahɔɔden Yɛ—Wuhu No Sɛ ɛmfata Wo Anaa?”

w06 2/1 10 ¶1

Nehemia Nhoma no Mu Nsɛntitiriw

3:5, 27. ɛnsɛ sɛ yebu adwumaden a yɛyɛ de boa nokware som te sɛ Ahenni Asa ho asiesie sɛ adwuma a ɛmfata yɛn, sɛnea Tekoafo “abirempɔn” no yɛe no. Mmom no, yebetumi asuasua sɛnea Tekoafo a wɔnye abirempɔn no fi wɔn pɛ mu de wɔn ho mae no.

w19.10 23 ¶11

Dɛn na Yehowa Bɛma Woatumi Ayɛ?

¹¹ Mfɛ pii akɔi no, wɔn a Yehowa de wɔn yɛe adwuma ma wosiesie Yerusalem afasu no, na Salum mma mmea no ka ho. (Neh. 2:20; 3:12) ɛwom sɛ na Salum yɛ ɔsoafo de, nanso na ne mma mmea no pɛ paa sɛ wɔyɛ adwuma a ɛyɛ den a na ebetumi de wɔn nkwa ato asiane mu no bi. (Neh. 4:15-18) Nɔ wɔnte sɛ Tekoafo mmарima atitiriw

no koraa. Tekoafo mmарima atitiriw no de, ‘wɔammrɛ wɔn ho ase’ anyɛ adwuma no bi! (Neh. 3:5) Wo de, hwɛ sɛnea Salum mma mmea no ani begye afa bere a wɔboa ma wɔde nnaɔua 52 pɛ wiee adwuma no! (Neh. 6:15) Yɛn bere yi so no, anuanom mmea a wɔwɔ koma pa ani gye ho sɛ wɔbɛboa ama yɛayɛ ɔsom adwuma no fɔ titiriw bi. Wɔboa ma wosisi adan a yɛde yɛ Yehowa som adwuma no na wɔboa ma wosiesie bi nso. Nsi ne ahokeka a anuanom mmea yi de yɛ adwuma, wɔn nimdeɛ, ne wɔn nokwareɔi boa ma adwuma yi kɔ yiye paa.

w04 8/1 18 ¶16

Adwene A Kristo Kura Wɔ Kɛseyɛ Ho A Yebɛnya

¹⁶ ɛsɛ sɛ Kristofo mmofra ne mpanyin nyinaa bɔ mmɔden sɛ wobɛnya adwene a Kristo wɔ wɔ kɛseyɛ ho no bi. Nnwuma pii wɔ asafo no mu a ɛsɛ sɛ wɔyɛ. Mma ɛmma da sɛ wobɛpopo wo ti wɔ adwuma bi a wote nka sɛ ɛba fam a wɔbɛka sɛ yɛ no ho. (1 Samuel 25:41; 2 Ahene 3:11) Awofo, so mohyɛ mo mma nkumaa ne wɔn a wɔadu wɔn mpanyin afe so no nkuran sɛ wɔmfɔ anigye nye adwuma biara a wɔde bɛma wɔn, sɛ ɛyɛ Ahenni Asa so, anaa nhyiam akɛsɛ ase? So mmofra no hu mo sɛ moreyɛ nnwuma a ɛba fam? Onua bi a saa bere yi ɔyɛ adwuma wɔ Yehowa Adansefo adwumayebea ti ho ka sɛ ɔkaɛ nhwɛso pa a n’awofo yɛe no yiye. ɔkaɛ sɛ: “Sɛnea na wɔyɛ adwuma wɔ Ahenni Asa so anaa nhyiam akɛsɛ ase no maa mihui sɛ wobu adwuma a ɛte saa no sɛ ɛsom bo paa. Sɛ na adwuma bi te sɛ nea ɛba fam dodo mpo a, na wɔde wɔn ho ma yɛ adwuma a ɛte saa a ɛso bɛba asafo no ne yɛn nuayɛ kuw no nyinaa mfaso no. Su a ɛte saa a wɔdaa no adi no ama ayɛ mmerɛw ama me sɛ megyɛ adwuma biara a wɔde bɛma me wɔ Betel ha no atom.”

Tweetwee Bible Mu

w06 2/1 9 ¶1

Nehemia Nhoma no Mu Nsentiiriw

4:17, 18—Ɛbeyɛ dɛn na na obi a ɔreto ɔfasu no atumi de ne nsa biako pɛ aye adwuma? Ná eyi renyɛ den mma wɔn a wɔsoso nnosoa no. Sɛ na wonya de adeso a no si wɔn ti anaa wɔn mmati so a, na ɛnyɛ den koraa sɛ wɔde wɔn nsa biako beso nnosoa a ɛda wɔn atifi anaa wɔn mmati so no mu ‘na wɔde biako akura dade mu.’ Ná abantɔfo a wohia wɔn nsa abien nyinaa de aye adwuma no “bobo wɔn nkrante wɔ wɔn asen na wɔde to.” Ná wɔayɛ krado sɛ, sɛ ɛba sɛ wɔn atamfo tow hyɛ wɔn so a wɔne wɔn bɛko.

AUGUST 7-13

BIBLE MU AKORADE | NEHEMIA 5-7

“Ná Nehemia Pɛ Sɛ Ɔsom Afoforo; Wampɛ Sɛ Nkurɔfo Bɛsom No”

w02 11/1 27 ¶3

Nokware Som Akyitaafɔ Tete ne Nnɛ

Ɛnyɛ Nehemia bere ne nhyehyɛ ho nimdeɛ a ɔwɔ nko na ɔde boae. Ɔde ne honam fam nneɛma nso boaa nokware som. Ɔde n’ankasa sika tɔw ne nuanom Yudafo fii nkoasom mu. Ɔmaa bosea a wannye ho mfɛntom. Ɔnam amrado a na ɔyɛ no ho akatua a wannye, ade a na anka obetumi agye, so ‘amma Yudafo no adeso a anyɛ duru’ da. Mmom no, obueɛ ne fie pon too ho maa ‘mpanyimfo ɔha aduonum ne wɔn a wofifi wɔn ho amanaman mu baa wɔn nkyɛn no’ aduan. Ɔde ‘nantwinini biako ne nguan a wɔadɔ asia, ne ntakrabo a’ yɛɛ aduan maa n’ahɔho da biara. Afei nso, pɛnkoro dadu biara no, na ɔma wɔn “nsa ahorow bebree” —a ɔno na na ɔto ne nyinaa.—Nehemia 5:8, 10, 14-18.

w16.09 6 ¶16

“Mma Wo Nsam Nngow”

¹⁶ Yehowa boaa Nehemia ne wɔn a wɔka ne ho no ma wɔhyɛɛ wɔn nsam den, na wɔde nnafua 52 pɛ too Yerusalem afasu no wiei! (Neh. 2:18; 6:15, 16) Ɛnyɛ sɛ Nehemia hwɛ ma wɔtow Yerusalem ɔfasu no kɛkɛ, na mmom ɔno ankasa yɛɛ adwuma no bi. (Neh. 5:16) Saa ara na asafo mu mpanyimfo pii a wɔwɔ ɔɔ atumi asuasua Nehemia. Wɔbo a ma wosisi adan a wɔde yɛ Onyankopɔn som adwuma. Afei nso wɔne wɔn nuanom siesie wɔn Ahenni Asa so, na wɔbo a ma wɔhwɛ so yiye. Sɛ asafo mu mpanyimfo ne wɔn mɛfɛfo adawurubɔfo kɔ asenka na wɔsrasra wɔn nuanom a, na wɔn nso rehyɛ wɔn a wɔn koma atu na wɔn nsam agow no den.—**Kenkan Yesaia 35:3, 4.**

w00 2/1 32

Ɔkwan Bɛn So Na Yehowa Bɛkaɛ wo?

Bere nyinaa, Bible no ka wɔ Onyankopɔn ho sɛ “ɔkaɛ,” kyɛɛ sɛ ɔyɛ tebea bi ho biribi. Sɛ nhwɛso no, bere a nsuyiri maa asase daa mpan nnafua 150 no, “Onyankopɔn kaeɛ Noa . . . , na Onyankopɔn maa mframa bɔ faa asase so, na nsu no ano brɛɛ ase.” (Genesis 8:1) Mfɛha pii akyi no, Simson a na Filistifo ama n’ani afura na wɔde nkɔnsɔn-kɔnsɔn agu no no bɔw mpae sɛ: “[Yehowa, NW] Nyankopɔn, afei kae me, na hyɛ me den prɛko pɛ yi nko.” Yehowa kaeɛ Simson na ɔmaa no ahɔɔden a ɛboro nnipa de so sɛnea ɛbeyɛ a obetumi adi Onyankopɔn atamfo so werɛ. (Atemmufo 16:28-30) Yehowa hyiraa Nehemia mmɔdenbɔ so, na wɔde nokware som sii ho bio wɔ Yerusalem.

Tweetwee Bible Mu

w07 7/1 30 ¶15

“Kɔ So Fa Papa Di Bɔne So Nkonim”

¹⁵ Nea ɛto so abies a no, Nehemia atamfo no de Israelni Semaia yɛɛ adwuma sɛ ɔfatwa-

fo, na wɔka kyerɛɛ no sɛ ɔmmɔ mmɔden nnaadaa Nehemia mma ommu Onyankopɔn Mmara so. Semaia ka kyerɛɛ Nehemia sɛ: “Ma yenhyia Onyankopɔn fi asɔredan no mu, na yɛntoto asɔredan no apon mu, efisɛ wɔreba abekum wo.” Semaia kae sɛ, ná Nehemia nkwa da asiane mu efisɛ na wɔrebekum no, na sɛ ɔkɔhyɛ asɔrefie hɔ a, ɛnde obenya ne ti adidi mu. Nanso, na Nehemia nyɛ ɔsofo. Enti, na ɛyɛ bɔne sɛ ɔbɛkɔ akohintaw wɔ Onyankopɔn fie hɔ. So na Nehemia bebu Onyankopɔn Mmara so de apere ne nkwa? Nehemia kae sɛ: “Hena na ɔte sɛ me a ɔbɛhyɛn asɔredan no mu na wanya nkwa? Merenkɔ.” Dɛn nti na afiri a wosum Nehemia no antumi anyi no? Efisɛ, ɛwom sɛ na onim sɛ Semaia yɛ ne yɔnko Israelni de, nanso “ɛnye Onyankopɔn na ɔsomaa no.” Nokwarem no, Onyankopɔn diyifo ankasa biara nni hɔ a obetu Nehemia fo sɛ ommu Onyankopɔn Mmara so. Wɔ eyi mu nso, Nehemia amma n’asɔretiafo a wɔwɔ adwemmɔne no anni no so nkonim. Ɛno akyi bere tiaa bi no, otumi kyerɛwee sɛ: “Wɔde adaduonum nnammien na ewiee ɔfasu no ɔsram Elul (a ɛte sɛ ɛbɔ no) da a ɛto so aduonu anum.”—Nehemia 6:10-15; Numeri 1:51; 18:7.

AUGUST 14-20

BIBLE MU AKORADE | NEHEMIA 8-9

“Yehowa Mu Anigye Ne Mo Abannennen”

w13 10/15 21 ¶2

Mpaɛ a Ɛka Koma—Sua Biribi Fi Mu

² Aka bosome biako ma nhyiam no aba so na Yudafo no too Yerusalem fasu no wiei. (Neh. 6:15) Onyankopɔn nkurɔfo de nna-fua 52 pɛ na ewiee adwuma no. Afei wɔde wɔn adwene sii honhom fam nneɛma so.

Enti Tisri da a edi kan no, wohyiaam wɔ abɔnten maa Esra ne Lewifo a aka no kenkan Onyankopɔn Mmara no den kyerɛɛ wɔn, na wɔkyerɛkyerɛ mu. (Mfonini 1) Mmusua mmusua nyinaa gyinaa ntenten tiei “fi ahe-madakyɛ kosii owigyinae.” Nokwasɛm ne sɛ “obiara a otumi tie asɛm te ase,” kyere sɛ mmofra mpo, baa nhyiam no bi. Israelfo yi twaa ɛsa fɛfɛfɛ a yebetumi adi akyi nne. Ɛnne yɛn mu pii hyiam wɔ Ahenni Asa so tena nkogua pa so. Ɛnde, asɛmmisa ne sɛ, ɛyɛ a yɛn adwene fi asa no so kodi nneɛma a ɛho nhia akyi? Sɛ saa a, ɛnde yɛnsan nhwɛ Israelfo asɛm no bio. Ɛnye wɔn aso kɛkɛ na wɔde tiei, na mmom asɛm no kaa wɔn koma ma wofii ase sui sɛ wɔde Onyankopɔn Mmara ato baabi reyɛ nea wɔpɛ.—Neh. 8:1-9.

w07 7/15 22 ¶9-10

Wobɛkɔ So ‘Anantew Honhom Mu’?

⁹ Yehowa yɛ “anigye Nyankopɔn.” (1 Timoteo 1:11; Dwom 104:31) Ɔba no ani gye sɛ ɔbɛ-yɛ n’Agya apɛde. (Dwom 40:8; Hebrifo 10:7-9) “Yehowa mu anigye ne [yɛn] abannennen.”—Nehemia 8:10, NW.

¹⁰ Sɛ yɛyɛ Onyankopɔn apɛde bere mpo a yɛwɔ ahokyere, awɛɛhow anaa ɔtaa mu no a, anigye a efi Onyankopɔn hɔ no ma yenya abotɔyam. Hwɛ anigye ara a “Onyankopɔn ho nimdɛɛ” ma yenya! (Mmebusɛm 2:1-5) Abusuabo pa a yɛne Onyankopɔn wɔ no gyina ne ho nokware nimdɛɛ, gyidi a yɛwɔ wɔ ne mu ne gyidi a yɛwɔ wɔ Yesu ogye afɔre no mu no so. (1 Yohane 2:1, 2) Ade foforo a ɛma yɛn ani gye ne sɛ yɛka Kristofo anuanom a wɔwɔ wiase nyinaa no ho. (Sefania 3:9; Hagai 2:7) Ahenni anidaso a yɛwɔ ne hokwan kɛse a yɛanya de reka asɛmpa no ma yɛn ani gye. (Mateo 6:9, 10; 24:14) Saa ara nso na daa nkwa anidaso a yɛwɔ no ma yɛn ani gye. (Yohane 17:3) Ɛsiane sɛ

yɛwɔ anidaso nwonwaso a ɛte sɛɛ nti, ɛsɛ sɛ ‘yɛma yɛn ani gye.’—Deuteronomium 16:15.

Tweetwee Bible Mu

it-1 145 ¶2

Aram Kasa

Bere a Yudafo a na wɔabɛsoa wɔn kɔ Babilon no san bae no, mfe bi akyi no wɔbehyiaam wɔ Yerusalem, na ɔɔɔfo Esra kenkan Mmara nhoma no kyereɛ wɔn. Afei Lewifo no bi kyerekyerɛ mu kyereɛ wɔn. Nehemia 8:8 ka nea ɛkɔ so no ho aɛm sɛ: “Wɔtoaa so kenkan nokware Nyankopɔn no Mmara nhoma no den, na wɔkyerekyerɛ mu maa emu daa hɔ fann, na wɔboaa ɔman no ma wɔtee nea wɔrekenkan no ase.” Ebetumi aba sɛ, ɔkwan a wɔfaa so kyerekyerɛ mu ne sɛ, sɛ wɔkan aɛm no wɔ Hebri kasa mu a, na wɔasan atɩ mu wɔ Aram kasa mu. Nea enti a ɛte saa ne sɛ, bere a na Hebrifo no wɔ Babilon no, ɛbɛyɛ sɛ Aram kasa na na wɔka. ɛnyɛ ɛno nko. Akyinnye biara nni ho sɛ, bere a wɔkan Mmara no, wɔkyerekyerɛ mu kɔ akyiri maa emu daa hɔ fann. Enti Yudafo a na wote Hebri kasa no mpo, ɛmaa aɛm no wuraa wɔn komam.

AUGUST 21-27

BIBLE MU AKORADE | NEHEMIA 10-11

“Wɔde Nneɛma Bɔɔ Afɔre Maa Yehowa Som”

w98 10/15 22 ¶13

Yerusalem Bi A Ne Din Fata No

¹³ “Nokware apam” a wɔɔɔ ano wɔ Nehemia bere so no siesiee Onyankopɔn nkurɔfo a na wɔwɔ hɔ tete no maa da a wɔbehyira Yerusalem fasu no so no. Nanso na aɛnhia foforo wɔ hɔ a ɛsɛ sɛ wɔhwɛ di ho dwuma. Ná Yerusalem a afei de ɔfasu kɛse a apon 12 atwa ho ahyia no, hia nnipa a wɔɔɔɔ

a wɔbetra hɔ. ɛwom sɛ na Israelfo bi te hɔ de, nanso na “kurow no mu gow haharaa na ɛsɔ, na ɔman a wɔwɔ mu no sua.” (Nehemia 7:4) Nea ɛbɛyɛ na wɔadi aɛnnennen yi ho dwuma no, ɔman no “bɔbɔɔ ntonto sɛ wɔde nnipa du mu biako bɛtra Yerusalem, kurow kronkron no mu.” Wɔn pɛ mu a wofi gyee nhyehyɛ yi toom no kaa ɔman no ma ‘wohyiraa mmарima a woyii wɔn yam sɛ wɔbetra Yerusalem no nyinaa.’ (Nehemia 11:1, 2) Hwe nhwɛso fɛfɛ a ɛyɛ ma nokware asomfo a wɔn nɛm tebea ma wɔn kwan ma wotu kɔ mmeae a wohia Kristofo a wɔn ho akokwaw mmoa kɛse nne no!

w86 2/15 26

Nokwaresom Faa Ne Ntama Pa Furae

Ná ɛnna fam sɛ Yudafo no begyaw wɔn agyapade hɔ na wɔatu akɔtena Yerusalem, efise na ebetumi akɔfa ɔhaw ne ahokyere abre wɔn. Yerusalem kurow no ankasa nso, obi te mu a, ɛbɛyɛ sɛ na asiane bebree wɔ hɔ a ebetumi ato no. Weinom nyinaa nti, wɔn a wɔtuu wɔn ho mae sɛ wɔbetu akɔtena hɔ no, obiara hui sɛ wɔfata nkamfo, na akyinnye biara nni ho sɛ nkurɔfo no bɔɔ mpae sɛ Yehowa nhyira wɔn.

w16.04 8 ¶15

Yedi Nokware a, Onyankopɔn Ani Sɔ Yɛn

¹⁵ Bere a yehyiraa yɛn ho so maa Yehowa no, yehyɛ bɔ sɛ nea ebese biara yɛbɛyɛ n’apɛde. Ná yenim sɛ ɛto mmere bi a ɛbɛyɛ den sɛ yebedi saa bɔhyɛ no so. Nanso sɛ yɛka sɛ yɛnyɛ biribi a yɛn ani nnye ho a, den na yɛbɛyɛ? Sɛ yɛma yɛn adwene si yɛn pi na yefi yɛn komam tie Onyankopɔn a, ɛkyere sɛ yedi yɛn bɔhyɛ so. Ebia ɛbɛyɛ den sɛ yɛde nneɛma bi beɔ afɔre, nanso sɛ yetumi bɔ a, Yehowa hyira yɛn pii. (Malaki 3:10) Yɛfta babea no nso ɛ? Den na ɔyɛ wɔ ne papa bɔhyɛ no ho?

Tweetwee Bible Mu

w06 2/1 11 ¶1

Nehemia Nhoma no Mu Nsɛntitiriw

10:34—Dɛn nti na wɔka kyerɛɛ nkurɔfo no sɛ wɔmfɔ nnyina mmra? Wɔankyerɛ wɔ Mose Mmara no mu sɛ wɔmfɔ nnyina mmra. Nea enti a ɛma wɔkaa saa ne sɛ na ɛho abehia denneennen. Nɔ wohia nnyina pii na wɔde ahyew afɔrebɔde wɔ afɔremuka no so. Ɛbɛyɛ sɛ na Netinimfo a wɔsom sɛ nkoa a wɔnyɛ Israelfo wɔ asɔrefie hɔ no nnɔɔso. Ɛno nti, wɔbɔɔ ntonto sɛnea ɛbɛyɛ a wobɛnya nnyina bere nyinaa.

AUGUST 28–SEPTEMBER 3

BIBLE MU AKORADE | NEHEMIA 12-13

“Sɛ Wɔrefa Nnamfo a, Wobɛyɛ Dɛn Akyerɛ Sɛ Wudi Yehowa Nokware?”

it-1 95 ¶5

Ammonfo

Bere a wɔtuu Tobia fii asɔrefie hɔ no, wɔkenkan Onyankopɔn mmara a ɛwɔ Deuteronomium 23:3-6 no kyerɛɛ nkurɔfo no. Saa mmara no kyerɛ sɛ, ɛnsɛ sɛ Ammonni anaa Moabni biara ba Israel asafo mu. Bere a nkurɔfo no tee mmara no mu nsem no, wɔde yɛɛ adwuma. (Ne 13:1-3) Saa mmara yi, Onyankopɔn hyɛɛ no, na adi bɛyɛ mfe 1,000. Nea enti a Onyankopɔn hyɛɛ ne sɛ, bere a na Israelfo no nam kwan so reko Bɔhyɛ Asaase no so a wohia mmoa no, Ammonfo ne Moabfo no yii wɔn ani. Ende yemmisa sɛ, mmara a ɛne sɛ ɛnsɛ sɛ Ammonfo ne Moabfo ba Israel asafo mu no, na ɛkyerɛ sɛn? Nɔ ɛkyerɛ sɛ, sɛ obi yɛ Ammonni anaa Moabni a, ɔrentumi mmɛyɛ Israel man ba ankasa. Enti hokwan ahorow a na Israelfo wɔ no, na ɔrentumi nnya bi. Nanso na wei nkyerɛ sɛ, sɛ Ammonni anaa Moabni

bi pɛ sɛ ɔne Israelfo no kɔtena anaa ɔde ne ho bɔ wɔn na ama wanya nhyira a Onyankopɔn de ma ne nkurɔfo no bi a, ɔrentumi nyɛ saa. Nea enti a yereka saa ne sɛ, yɛhwɛ Dawid nnɔmmarima no a, na Ammonni Selek ka ho. Rut nso, na ɔyɛ Moabni.—Ru 1:4, 16-18.

w13 8/15 4 ¶5-6

Yehowa Atew Yɛn Ho

⁵ Monkenkan Nehemia 13:4-9. Nnɛɛma bɔne atwa yɛn ho ahyia, enti ɛnyɛ mmerɛw sɛ yɛbɛkɔ so ayɛ kronkron. Momma yensusuw Eliasib ne Tobia ho. Na Eliasib yɛ ɔsɔfo panyin, na na Tobia yɛ Ammonni a ebia ɔyɛ adwuma wɔ Yudea ma Persia ahemman no. Bere a Nehemia yɛɛ sɛ wɔbɛsan asi Yerusalem afasu no, Tobia ne n’apamfo sɔre tiaɛ. (Neh. 2:10) Nɔ Ammonfo nni ho kwan sɛ wɔkɔ asɔrefie hɔ. (Deut. 23:3) Enti adɛn na ɔsɔfo panyin no hyɛɛ da maa Tobia baabi tɛnae wɔ asɔrefie adidibea hɔ?

⁶ Asem no ne sɛ na Tobia ne Eliasib abɛyɛ nnamfo papeɛ. Na Tobia ne ne ba Yehohanan aware Yudafo mmea, na na Yudafo pii nso ka Tobia ho asɛmpa. (Neh. 6:17-19) Eliasib banana nso waree Sanbalat babea. Na Sanbalat yɛ amrado wɔ Samaria, na na ɔyɛ Tobia yɔnko berebo. (Neh. 13:28) Ɛbɛyɛ sɛ eyi nyinaa na ɛmaa Ɔsɔfo Panyin Eliasib maa obi a ɔnyɛ gyidini, obi a ɔsɔre tia nokware som nyaa ne koma. Nanso Nehemia kɔ maa Yehowa; oyii Tobia dan mu nnɛɛma nyinaa fii adidibea hɔ tow guu abɔnten.

w96 3/15 16 ¶6

Nokwaredi Ho Schwe Ano A Yebegyina

⁶ Sɛ yedi Yehowa Nyankopɔn nokware a, yɛne wɔn a wɔyɛ n’atamfo nyinaa remfa nnamfo. Ɛno nti na osuani Yakobo kyerɛwee sɛ: “Awareɛɛfo, munnim sɛ wiase adamfofa ne ɔtan a wɔtan Onyankopɔn? Enti obiara

a ɔpɛ sɛ ɔyɛ wiase adamfo no gyina hɔ sɛ Onyankopɔn tamfo.” (Yakobo 4:4) Yɛpɛ sɛ yenya nokwareɔdi a ɔhene Dawid daa no adi bere a ɔkaa eyi no: “Awurade, wɔn a wɔtan wo no, mentan wɔn anaa? Na wɔn a wɔsɔre hyɛ wo no, me werɛ nhow wɔn anaa? Mede ɔtan pa metan wɔn, mibu wɔn m’atamfo.” (Dwom 139:21, 22) Yɛmpɛ sɛ yɛne wɔn a wɔhyɛ da yɛ bɔne bɔ fekuw, efisɛ yɛne wɔn nni hwee yɛ. So nokwareɔdi ma Yehowa no remma yɛnkwati sɛ yɛne Yehowa atamfo a wote saa mu biara bebɔ fekuw, sɛ yɛne wɔn behyam anaa denam television so?

Tweetwee Bible Mu

***it-2* 452 ¶9**

Nnwom

Nnwom a na wɔto wɔ asɔrefie hɔ no, na eyɛ biribi a ɛho hia paa; nɔ wɔntoto no ase koraa. Nea enti a yɛreka saa ne sɛ, wɔhwe Bible mu a, kyɛrɛwnsɛm bebreɛ na ɛka nnwontofo no ho asɛm. Afei nso, “wɔanyɛ nnwuma foforo biara,” kyɛrɛ sɛ, nnwuma a na Lewifo a aka no yɛ no, wɔamma nnwontofo no anyɛ bi sɛnea ɛbeyɛ a wɔbetumi de

wɔn bere ne wɔn ahɔɔden nyinaa ayɛ wɔn adwuma no. (1Be 9:33) Bere a Yudafo no fi Babilon san baa wɔn kurom no nyinaa, na wɔda so ara bu nnwontofo no sɛ wɔyɛ soronko wɔ Lewifo no mu. Nea enti a ɛte saa ne sɛ bere a wɔrebobɔ Yudafo a wɔfi Babilon bae no din no, wɔhyɛɛ da tew nnwontofo no fii Lewifo a aka no ho bɔɔ wɔn din. (Esr 2: 40, 41) Persia hene Artasasta (Longimanus) mpo, na obu nnwontofo no sɛ wɔyɛ soronko, enti ɔde ne tumi di boaa wɔn. ɔkaa sɛ, nnwontofo no ne akuw afoforo bi a dwumadi titiriw hyehyɛ wɔn nsa no, mma wɔnnnye wɔn “ɔman tow, akwan so tow, anaa tow biara.” (Esr 7:24) Akyiri yi, ɔhene no hyɛɛ sɛ, “wɔmma nnwontofo no nea wobehia da biara da.” ɛwom, Bible ka sɛ Artasasta na ɔhyɛɛ saa mmara no de, nanso ɛda adi sɛ, Esra na ɔhyɛɛ mmara no wɔ ɔhene no din mu, efisɛ na ɔhene no ama no saa tumi no. (Ne 11:23; Esr 7:18-26) Enti ɛwom sɛ na nnwontofo no nyinaa yɛ Lewifo de, nanso sɛ Bible ka “Lewifo ne nnwontofo,” kyɛrɛ sɛ, ɛbɔ Lewifo no din, na ɛsan bɔ nnwontofo no din a, ntease wom.—Ne 7:1; 13:10.

